

SAMÞYKKT

um kattahald í Fellahreppi.

1. gr.

Kattahald í Fellahreppi sætir þeim takmörkunum sem getur í 2. gr. þessarar samþykktar.

2. gr.

Sveitarstjórn er heimilt að veita lögráða einstaklingum sem búa í þéttbýli Fellahrepps leyfi til kattahalds með ákveðnum skilyrðum. Leyfið er bundið við nafn og heimilisfang viðkomandi og er ekki framseljanlegt. Leyfið er einnig bundið við þann kött sem það er gefið út fyrir.

Kattahald í dreifbýli sætir að öllu jöfnu ekki takmörkunum. Þó getur sveitarstjórn, telji hún, heilbrigðiseftirlit eða héraðsdýralæknir brýna þörf á, takmarkað kattahald í dreifbýli.

Eftirfarandi skilyrði gilda í þéttbýli Fellahrepps og skipulögðum sumarhúsaðverfum:

- a) Ef sótt er um leyfi til að halda kött í fjölbýlishúsi, skal umsókninni fylgja skriflegt samþykki allra eigenda íbúða í stigaganginum, svo og leigutaka, ef um leiguíbúðir er að ræða. Leigjandi þarf jafnan að framvísa samþykki leigusala síns.
- b) Leyfisgjald vegna kattahalds skal greiða árlega til sveitarsjóðs, eftir samþykkttri gjaldskrá sveitarstjórnar, samkvæmt ákvæðum 25. gr. laga nr. 7/1998 um hollustuhætti og mengunarvarnir, með síðari breytingum. Gjaldið skal greitt í fyrsta sinn við skráningu kattarins, og síðan árlega fyrirfram 1. janúar ár hvert. Hafi gjaldið ekki verið greitt innan tveggja mánaða frá gjalddaga, fellur leyfið sjálfkrafa úr gildi.
- c) Við greiðslu gjalds skv. b-lið ber leyfishafa að framvísa vottorði dýralæknis um að kötturinn hafi verið hreinsaður af spóluormum.
- d) Ábyrgðartrygging hjá viðurkenndu váttryggingafyrirtæki er skilyrði fyrir skráningu. Tryggingin skal ná til alls þess tjóns sem kötturinn kann að valda á mönnum og munum. Lágmarkstryggingarupphæð er kr. 10.000.000 (tíu milljónir).
- e) Við skráningu skal örmerkja köttinn hjá dýralækni.
- f) Leyfishafa ber að sjá svo um að köttur hans valdi ekki hættu, óþægindum eða óþrifnaði, né raski ró manna.
- g) Óheimilt er að láta kött dvelja lengur en þrjú mánuði á heimili án þess að sótt sé um leyfi fyrir honum.
- h) Ekki er leyfilegt að hafa fleiri en tvo ketti eldri en þriggja mánaða á sama heimilinu.
- i) Leyfishöfum ber að taka tillit til fuglalífs á varptíma og eftir atvikum takmarka útiveru katta m.a. að næturlagi.
- j) Ekki má hleypa köttum inn í skóla, leikvelli, íþróttavelli eða aðra þá staði sem um getur í hollustuháttareglugerð nr. 941/2002.
- k) Leyfishafa ber að hafa sandkassa fyrir köttinn á sinni lóð.

3. gr.

Umsóknir um leyfi til kattahalds skal leggja fram á skrifstofu Fellahrepps á þar til gerðum eyðublöðum.

4. gr.

Fellahreppur getur ráðið sérstakan dýraeftirlitsmann. Dýraeftirlitsmaður starfar í umboði sveitarfélagsins og heilbrigðisnefndar. Hann tekur óskilaketti og flækingsketti í vörslu.

Halda skal skrá yfir ketti sem veitt er leyfi fyrir, þar sem fram koma upplýsingar um köttinn og eiganda hans. Skráin skal vera aðgengileg heilbrigðiseftirliti og dýraeftirlitsmanni, sé hann starfandi.

5. gr.

Sveitarstjórn er heimilt að láta fanga í búr ómerkta og leyfislausu ketti, enda sé framkvæmdin auglýst með áberandi hætti með a.m.k. sjö sólarhringa fyrirvara.

Sé kvartað undan ágangi katta í íbúðahverfum er heimilt að láta veiða þá í búr og fanga ómerkta og leyfislausu ketti, án þess að það sé auglýst sérstaklega.

Sé fangaðra katta ekki vitjað innan einnar viku, er heimilt að láta aflífa þá.

6. gr.

Með brot á samþykkt þessari skal fara samkvæmt ákvæðum laga nr. 7/1998 um hollustu-hætti og mengunarvarnir með síðari breytingum.

Við minniháttar brot á samþykkt þessari skal eigandi kattarins sæta skriflegri áminningu. Endurtekin eða alvarleg brot geta leitt til leyfissviptingar.

Leyfishafa er skylt að greiða kostnað sem leiðir af brotum á samþykkt þessari.

7. gr.

Ketti sem leyfi er fyrir og teknir eru í vörslu er heimilt að afhenda leyfishafa, gangi hann eftir því innan einnar viku, og þá gegn yfirlýsingu þess efnis að hann viðurkenni að skulda áfallinn kostnað af vörslunni.

Sé ómerktur eða leyfislaus köttur tekinn í vörslu, skal auglýsa eftir eigandanum með áberandi hætti. Gefi sig enginn umráðamaður eða eigandi fram innan einnar viku, er heimilt að færa köttinn til aflífunar.

Sveitarsjóður ber kostnað af vörslu og aflífun katta, en á endurkröfu á eigendur þeirra.

8. gr.

Samþykkt þessi sem sett er af sveitarstjórn Fellahrepps að fenginni umsögn heilbrigðisnefndar Austurlands staðfestist hér með samkvæmt 25. gr. laga nr. 7/1998 um hollustuhætti og mengunarvarnir, með síðari breytingum til þess að öðlast gildi við birtingu. Frá sama tíma fellur úr gildi samþykkt nr. 172/1995 um kattahald í Fellahreppi.

Ákvæði til bráðabirgða.

Þeir sem halda ketti við gildistöku samþykktarinnar, en hafa ekki leyfi fyrir þeim, skulu sækja um leyfi fyrir þeim samkvæmt samþykkt þessari fyrir 1. ágúst 2003.

Umhverfisráðuneytinu, 20. júní 2003.

F. h. r.

Ingimar Sigurðsson.

Sigurbjörg Sæmundsdóttir.